

UNIVERZITET U TUZLI
Upravni odbor
Broj: 04-2902-1-2/23
Tuzla, 29.05.2023. godine

Na osnovu člana 51. tačka s) Zakona o visokom obrazovanju-prečišćeni tekst („Službene novine Tuzlanskog kantona“, broj: 21/21, 22/21, 5/22, 11/22 i 16/22), člana 50. stav (1) tačka e) Statuta JU Univerzitet u Tuzli, a u vezi sa članom 17. Zakona o javnim nabavkama („Službeni glasnik BiH“, broj: 39/14 i 59/22), na prijedlog Rektorice Univerziteta, Upravni odbor Univerziteta u Tuzli na sjednici održanoj 29.05.2023. godine, donio je

ODLUKU
o izmjenama i dopunama Odluke o usvajanju Plana nabavki
Univerziteta u Tuzli za 2023. godinu

I

U tački I Odluke o usvajanju Plana nabavki Univerziteta u Tuzli za 2023. godinu broj: 04-422-1-2/23 od 26.01.2023. godine, broj: 04-422-1-2/23 od 15.03.2023. godine i broj: 04-2335-1-2/23 od 26.04.2023. godine, vrše se izmjene i dopune koje su prikazane u tabelarnom pregledu koji su sastavni dio ove Odluke, osim stavke koja se odnosi na redni broj 107.1.- Komunikacija projekta Kampus Univerziteta u Tuzli.

II

Ukupan zbir u tabeli I kolona 6. (Vlastiti prihodi) i kolona 8. (Ukupno) mijenja se i glasi: 4.087.975,60 (kolona 6) i 6.877.761,10 (kolona 8).

III

U ostalom dijelu Odluka o usvajanju Plana nabavki Univerziteta u Tuzli za 2023. godinu, ostaje nepromijenjena.

Obrazloženje

Rektorica Univerziteta u Tuzli je dostavila Upravnom odboru Prijedlog broj: 01-2695-2/23 od 17.05.2023. godine, za izmjene i dopune Odluke o usvajanju Plana nabavki Univerziteta u Tuzli za 2023. godinu. U obrazloženju prijedloga Odluke je navedeno da je šef finansija, Fikreta Jahić, dipl. oec. u Prijedlogu za dopunu Plana nabavki obrazložila da je nakon izvršene registracije podorganizacione jedinice Centar za izdavačku djelatnost – Skriptarnica br. 1. sa adresom u ul. Univerzitetska br. 1. potrebno da se, radi postupka inicijalne fiskalizacije, nabavi fiskalni uređaj. Obzirom da nabavka fiskalnog uređaja nije planirana u Planu nabavki Univerziteta za 2023. godinu neophodno je izvršiti dopunu istog u iznosu od 613,00 KM bez PDV u okviru pozicije 8213- nabavka opreme.

U obrazloženju se nadalje navodi da je dostavljen Prijedlog za dopunu Plana nabavki Univerziteta za 2023. godinu od Prorektora za naučnoistraživački rad, prof. dr. Nermina Sarajlića, u kojem je obrazložena potreba obezbjeđenja pristupa istraživačkoj bazi podataka CEEOL u iznosu od 4.921,00 KM, koliko iznosi godišnja pretplata na sadržaj navednog repozitorija. CEEOL je repozitorij koji nudi specijalizirane i sveobuhvatne kolekcije radova u cjelovitom tekstu iz oblasti društvenih i humanističkih nauka, te umjetnosti, iz centralne i istočne Evrope. Radi se o preko 2.200 naslova iz oblasti društvenih i humanističkih nauka iz 34 zemlje, te preko 600.000 radova objavljenih na preko 30 jezika.

Prijedlog za dopunu Plana nabavki Univerziteta dostavljen je i od Direktora za ekonomske poslove u kojem je obrazložena potreba da se Plan nabavki za 2023. godinu dopuni stavkom za kolektivno osiguranje studenata prvog i integriranog prvog i drugog ciklusa studija od posljedica nesretnog slučaja u akademskoj 2023/24 godini u iznosu od 25.000,00 KM kako bi Univerzitet blagovremeno započeo proceduru predmetnog osiguranja i kojim putem bi bio poznat tačan iznos premije osiguranja za osigurane rizike po jednom studentu, a sve u cilju donošenja Odluke o iznosu participacije i

školarine u troškovima sva tri ciklusa studija na fakultetima/Akademiji Univerziteta u Tuzli počev od akademske 2023/24. godine.

U Inicijativi za dopunu Plana nabavki za 2023. godinu koju je podnio Prorektor za osiguranje kvaliteta i internu evaluaciju navodi se potreba nabavke usluga Komunikacija projekta Kampus Univerziteta u Tuzli u iznosu od 20.000,00 KM bez PDV jer Projekat Kampus Univerziteta u Tuzli, kao generacijski projekat od strateške važnosti za društvenu zajednicu, zaslužuje sistematičan pristup komunikaciji projekta, što podrazumjeva definisanje generalnog cilja, vizije, misije, smjernica/ciljeva, te aktivnosti za njihovu realizaciju.

Nadalje, Prorektor za osiguranje kvaliteta i internu evaluaciju je podnio Inicijativu za dopunu Plana nabavki za 2023. godinu za radove na rekonstrukciji računarske (internet) mreže Medicinskog fakulteta u iznosu od 33.000,00 KM bez PDV-a. U Inicijativi je detaljno obrazložena potreba modernizacije nastavnog i istraživačkog procesa na Medicinskom fakultetu jer je u toku internacionalni projekat Biosint, u kojem učestvuje 9 partnera iz 6 zemalja (Srbija, Belgija, Rumunija, Albanija, Bosna i Hercegovina, Crna Gora). Cilj projekta je jačanje kapaciteta i digitalnih kompetencija u biomedicinskom obrazovanju kroz internacionalizaciju. IT osoblje Centra za osiguranje kvaliteta i internu evaluaciju izvršilo je detaljan uvid u stanje računarske (internet) mreže Medicinskog fakulteta. Ustanovljeno je da je ista zastarjela i otežano funkcionira, odnosno da se za mrežu koriste telefonski kablovi što je potpuno prevaziđeno. S obzirom da ovakva infrastruktura otežava budući proces modernizacije nastavnog i istraživačkog procesa, od strane IT osoblja urađena je specifikacija potrebnih radova na rekonstrukciji postojeće mreže Medicinskog fakulteta.


Prijedlog za izmjenu i dopunu Plana nabavki za 2023. godinu u dijelu koji se odnosi na nabavke za organizacionu jedincu Fakultet za tjelesni odgoj i sport, dostavio je Dekan fakulteta u kojem obrazlaže potrebu nabavke i montaže čelične konstrukcije u iznosu od 5.000,00 KM bez PDV_a iz sredstava naučnoistraživačkog rada Fakulteta za tjelesni odgoj i sport, a sve u cilju realizacije prve faze Projekta „Rekonstrukcija i nadogradnja dijela objekta Fakulteta za tjelesni odgoj i sport Univerziteta u Tuzli“. U prijedlogu je navedeno da se planirana sredstva za nabavku sportske opreme (redni broj 5.) preusmjere za nabavku i montažu čelične konstrukcije, te je u Planu nabavki u tabeli VIII za Fakultet ta tjelesni odgoj i sport dodata nabavka i montaža čelične konstrukcije (red. br. 6), a brisana stavka pod rednim brojem 5.

Rektorica Univerziteta je prihvatila prijedloge i utvrdila Prijedlog za izmjene i dopune Odluke o usvajanju Plana nabavki Univerziteta u Tuzli za 2023. godinu.

Nakon provedene diskusije Upravni odbor je usvojio Prijedlog Rektorice, osim u dijela Prijedloga za izmjene i dopune Odluke na rednom broju 107.1 - Komunikacija projekta Kampus Univerziteta u Tuzli za koje je potrebno dati dodatno obrazloženje za povjeravanje nabavke za isti izvan vlastitih stručnih kadrovskih resursa na Univerzitetu u Tuzli.

DOSTAVLJENO:

- 1x Rektorica
- 1x Prorektor za kvalitet i int. eval.
- 1x Prorektor za naučnoistraživački rad
- 1x Direktor za ekonomske poslove
- 1x Fakultet za tjelesni odgoj i sport
- 1x Odjeljenje javnih nabavki
- 1x Služba za tehničke poslove
- 1x Evidencija Upravnog odbora



PREDSJEDNIK
UPRAVNOG ODBORA

Dr. sci. Semir Ahmetbegović, vanr. prof.

U tabeli I mijenja se nabavka pod rednim brojem 95. i glasi:

R. br.	Fakultet/ org. jedinica	Ekon. kod	Predmet javne nabavke	Finasiranje iz Budžeta KM bez PDV	Vlastiti prihodi KM bez PDV	Primijeni tekući transferi i donacije KM bez PDV	Ukupno (5+6+7)	Vrsta postupka	Okvirni sporazum	Podjela na LOTove	Okvirni datum pokret.nabavke	JRJN	Napomena
1	2	3	4	5	6	7	8	9	10	11	12	13	14
95	UNIV	6139	Objava radova/pretplata na baze podataka	4.921,00	3.000,00	7.921,00	Aneks II	NE	NE	NE	1.2.23.	80000000-4	

U tabeli I dodaju se nove nabavke pod rednim brojevima 76.1, 142.2 i 159.1 i glase:

76.1	UNIV	6138	Usluge osiguranja studenata u akademskoj 2023/24 godini	25.000,00		25.000,00	Otvoreni postupak	NE	NE	NE	1.6.23.	66510000-8	
142.2	UNIV	8213	Nabavka fiskalnih uređaja Radovi na rekonstrukciji računarske (internet) mreže	613,00		613,00	Direktni sporazum	NE	NE	NE	1.6.23.	30142200-8	
159.1	MED	8216	Medicinskog fakulteta	33.000,00		33.000,00	Otvoreni postupak	NE	NE	NE	1.6.23.	45314300-4	

U tabeli VIII- Fakultet za tjelesni odgoj i sport dodaje se nabavka pod rednim brojem 6. i glasi:

R.br	Fakultet/ org.jedinica	Ekon. kod	Predmet javne nabavke	Vlastiti prihodi u KM bez PDV	Primijeni tekući transferi i donacije u KM bez PDV	Ukupno u KM bez PDV	Vrsta postupka	Okvirni sporazum	Podjela na LOTove	Okvirni datum pokretanjanabavka	JRJN	Izvor finansiranja
1	2	3	4	5	6	7	8	9	10	11	12	13
6	FTOS	8216	Nabavka i montaža čelične konstrukcije	5.000,00	5.000,00	5.000,00	Direktni sporazum	NE	NE	29.6.23.	45223210-1	Vlastiti NIR

U istoj tabeli VIII briše se nabavka pod rednim brojem 5.

5	FTOS	8213	Sportska oprema	5.000,00	5.000,00	5.000,00	Direktni sporazum	NE	NE	I-IV kvartal	37400000-2	Vlastiti NIR
---	------	------	-----------------	----------	----------	----------	-------------------	----	----	--------------	------------	--------------